

JACOB ANWANA MBOK YE “OWO”

Genesis 32:1-32; 35:9-15

QYQHỌ UKPEP-ŊKPỌ 25 – Eke Mkpawara

IKỌ IBUOT: “Nsanake fi nyak, ke mudiŋke mi” (Genesis 32:26).

Mme Angel Emi Esañade Utom

Mme angel ema ebiŋŋre Jacob ke iso ke ini enye ama akafiak ọtŋŋ isañ esie, ke Laban ama akafiak ọnyŋ ufok. Enye ama ọdiŋŋ ete ke mmọ edi isuñ-utom Abasi oto nte Abasi okowutde Idem Esie.

Nnyin ima ikpep ibaña nte mme angel ekesiode nditọ Abasi ke mme mfina mmọ efep. Odu uwut-ŋkpọ kiet emi nnyin mikebemke iso itin ibaña ekedi nte ubom emi Paul owo mbet okodukde aka Rome nte owo mkpọkọbi okosipde. Akwa oyobio ama odu ke akpa inyañ, ndien utin, mme mme ntantafiŋ ikayama ke ediwak usen. Kpukpru owo ema efehe ndik ete ke mmimọ iyetak. Edi Paul ama ọbŋ akam, onyuñ etre udia, ndien Abasi okop onyuñ ọbŋ enye. Usen kiet, enye ama ada ke iso mme awat ubom ye etop nsŋndem ete ke kpukpru mmimọ iyebŋŋ. Angel kiet ama owut enye idem ke okoneyo emi ekebede, onyuñ ọdŋŋ enye ete ke enye eyesuk osim Rome, ndien ke Abasi eyesuk ekpeme uwem mbon efen ŋko ke ubom. Paul ama onim Abasi ke akpanikọ, ndien kpukpru ŋkpọ ema ewŋŋ ukem ukem nte angel eketiñde. Oro ekedi ifet kiet efen emi Abasi akadade ọdiŋ mme idiŋk owo ke ntak owo Abasi, nte emi nnyin ikokopde nte Abasi ọkŋdiŋde Laban ke ntak Jacob.

Etop Emi Okotode Mme Isuñ-Utom Jacob

Jacob ama ọdŋ mme isuñ-utom ebem enye iso man mmọ ekefiŋk nte eyen eka esie edidarade enye. Afo eyeti ete ke Esau ama ebere ndiwot Jacob ke isua edip emi ekebede; ke kpukpru emi, Jacob ama ọdiŋŋ ete, ndusuk akani usua oro ekeme ndisuk ŋka iso ndu ke esit esie. Ke ini mme isuñ-utom emi ema ekefiak enyŋŋ edi, mmọ ema edŋŋ enye ete ke Esau ke edi ye owo ikie inañ. Oro ama etie nte ekŋ! Jacob ama efehe ndik.

Edineñere Ukwañ Usuñ

Ke uñwam Abasi, Jacob ama ada mbufiŋk akan Laban. Do ke enye akanam nnen-nen ŋkpọ, ke ndinam se mmọ ekedimide ye ete añwan esie. Edi idaha emi enye ekenyene ndisobo ye eyen-eka esie emi akayatde esit ye enye, emi enye ekeduede, ndien enye ama odu ke ata nnan-enyin.

Abasi ama efen ọŋ Jacob ke mme ndudue esie ke usen emi enye ọkŋbŋde akam ke Bethel, edi idaha emi edi ini emi enye anade nte eneñere ukwañ usuñ esie, man ọbŋ edifen oto eyen eka esie. Ikureke ke edibŋ edifen nto Abasi kpŋ; Enye oyom nnyin ineñere usuñ nnyin ye mme owo.

Ke akwa ndutuhŋ esie, Jacob ama oyom uñwam oto Abasi. Ke ini usuñ etiede nte ọsŋŋ ye nnyin, nnyin imenyene idorenyin ke ubŋk ukpeme Abasi ndida nnyin usuñ edieke nnyin iberede ọkŋŋ ke Enye.

Akam Jacob

Ke nsuhŋre idem, Jacob ama ọbŋ akam, “Ŋkpekpri ŋkan kpukpru ufŋ, ye kpukpru akpanikọ emi afo akanamde ye owo fo; ŋkŋm ŋkebe Jordan emi ye esañ mi ikpŋ; ndien ke emi mma ŋkabare ndi udim iba.” Enye ama ọdiŋŋ ete ke Abasi ọkŋŋ imŋ mme akwa inyene oro, ndien enye ikekereke ite ke imŋ imodot ndinyene mmọ. Edi enye okoyom Abasi anam se ikponde ikan oro ọŋ imŋ. Jacob ama afiak eti Abasi akaña mme eñwŋŋ Esie nte ke iyeda enye ifiak idisim ke ufok ete esie ke emem, inyuñ inam ubon esie etie “nte ntan inyañ emi mikemeke ndibat ke uwak.”

Edi ediye ŋkpọ ke ini nnyin ibŋde akam nditi Abasi mbaña mme eñwŋŋ Esie ye nnyin, idighe koro Enye midifŋke mmọ, edi ana nte nnyin idorenyin ke mbuŋtidem nnyin ke ndifiak mbat mme nti edidiŋ Esie emi Enye ọkŋwŋde ke Ikŋ Esie.

Idaha emi ekedi ini Jacob ndinam mbeñe-idem ndisobo ye Esau. Enye ama osio mme nsio nsio ediwak ufene ke ikie ke ikie ke otu ufene esie onyuñ ọŋ mmọ eka ke udim, isuñ-utom esie kiet ke udim kiet, man etiñ enŋ Esau ete ke emi edi mme enŋ emi enŋde esŋ enye emi otode owo esie. “Eke owo fo Jacob.” Jacob ama ọsuhŋre idem esie ke iso Abasi, ndien idaha emi enye ama enyene nsuhŋridem ke iso eyen-eka esie ndiwut ete ke enye ama enyene edikabare esit.

Edi ke kpukpru se Jacob akanamde, ikanamke enye enyene idorenyin ke esit esie nte ke imŋ iyekut unen ito eyen-eka imŋ. Enye ama ebere ndibŋ akam mbŋ ibŋŋ ndinyuñ nnyene idorenyin nto Abasi nte ke kpukpru

nkpo eyefon. Enye akada iban esie ye ndito esie ebe inyan okonim mmọ ke edem eken ke okoneyo oro. Ndien enye afiak edi edisuhọ ikpọn onyūn ọtọn ndibon akam. Akam enye emi ama akan ikpikpu akam; Ikọ etin ọnọ nnyin ete, “Owo kiet onyūn añwana mbok ye enye tutu eyo esiere.” Ke ini enye mikekemeke ndikan Jacob, enye atwak ekikoi Jacob efebede; edi Jacob okosuk akaka iso omum enye. Ke ini ama ekepere usiere, angel ọdọhọ ete, “Sana mi yak,” ndien Jacob ọbọrọ ete, “Nsanake fi nyak, ke mmudiọnke mi.” Ndien Jacob akan. Mme ikọ emi angel eketinde ekedi, “Koro afo amañwana ye Abasi, omonyūn añwana ye owo, onyūn akan.”

Utip Nsin Ifik

“Onyūn akan!” Se inyene emi odude ke mme ikọ emi! Jacob ikosoboke ye eyen-eka esie kaña, edi enye ama enyene idorenyin ke Abasi ete ke eyen eka imọ eyefen ọnọ imọ. Ke mbuotidem enye “onyūn okotde se miduhe nte nkpo eke odude” (Nwed Mbon Rome 4:17). Oro edi ata mbuotidem.

Emi ekedi ọyọhọ ikaba emi Jacob akanamde akamba utom ke spirit. Edikan emi enye ekenyenede ke nkpo spirit emi, ye ediyak idem nnọ emi enye akanamde, ama ada edinam asana ọnọ enye ke esit esie.

MME MBUME

1. Nte Jacob ama okut ete ke imodot ndibọ kpukpru mfon emi otode Abasi?
2. Anie akañwana mbok ye Jacob tutu eyo esiere?
3. Nte Jacob ama ọbọ edidiọn emi enye okoyomde?
4. Nso ukpep-nkpo ke nnyin inyene ito akam Jacob?
5. Nso utọ enọ mfon Abasi ke enye ọkọbọ mi?
6. Ini ewe ye ke mmọn ke enye ekenyene erinyaña?